



## KREANDO PROSPERIDAT DOR DI KONEKTÁ OPORTUNIDATNAN DI INVERSHON KU INVERSHONISTANAN

### *SKINA DI INVERSHONISTA*

Publikashon 7. 2017

#### Invertiendo di un forma sigur na Kòrsou

*“E maneho di ta demasiado kouteloso ta e riesgo di mas grandi”*

*J. Nehru*

Kòrsou tin un bolsa di balor? Unda e ta ubiká? Ken ta maneh'é? Si mi disidí di kumpra algu, kon lo mi sa ku mi sèn ta safe den e bolsa di balor? Kon lo mi sa kiko ta pasando ku e akshon ku mi kumpra?

Mi ta sigur ku esakinan ta algun di e hopi preguntanan ku ta drif rònt den bo mente kada biaha ku bo kuminsá pensa riba invershon aki na Kòrsou. E artíkulo di e siman aki lo trata di atendé e preokupashonnan práktiko ku bo por tin tokante nos bolsa lokal.

Bo Tabata sa? Dutch Caribbean Securities Exchange ta e único bolsa den Hulanda Karibense i por sierto e ta ubiká aki na Kòrsou; na A. M. Chumaceiro Boulevard Number 3, mei mei den Punda!

E Bolsa a wòrdú establesé na 2009 i ta kresiendo for di e tempu ei ku mas ku 30 kotisashon. E kotisashon lokal mas resien tabata na 2016 ora ku Building Depot a rekoudá

finansiamentu dor di e bolsa kual ta permití invershonista di kumpra nan bononan. No preokupá, si bo a pèrdè ese, pronto lo bo por ta parti di e akshon ku e krelementu sperá di aktividatnan ku e DSCX tin planiá.

E maneho di DCSX ta masha fuerte i ta similar ku loke bo por opservá den hopi otro pais. E DCSX tin pèrmit di e Ministerio di Finansa i ta supervisá pa sigurá ku e ta aktua dentro di e rekisitonan di su pèrmit i di e leinan di Kòrsou. Un nivel adishonal di supervishon eksterno ta wòrdú ehersé pa Banko Sentral di Kòrsou i Sint Maarten. Esei ta djis e supervishon reglamentario eksterno!

Adishonalmente, supervishon direkto ta wòrdú manehá pa e Fundashon DCSX ku ta konsistí di miembranan di renombre di e instansianan finansiero na Kòrsou. Es mas, e Bolsa tin un Direktiva ku ta ehersé un di dos nivel di supervishon operashonal riba e aktividatnan di e Bolsa. Manera bo por mira, tin un struktura di maneho ekstenso ku ta sigurá ku e DCSX ta ehekutá su aktividatnan den un bon forma i ta ofresé un ambiente sigur i safe pa hasi negoshi.

Ademas, promé ku un kompania wòrdú registrá riba e bolsa i ofresé na e público, e mester pasa un proseso di registrashon estrikto, pa sigurá ku e informashon presentá na e público ta eksakto i kompleto. DCSX tin prosedimentu i reglamento ku e kompanianan mester sigui promé ku nan wòrdú registrá, i asta tin procedura i regla ku nan mester kumpli ora nan ta riba e bolsa pa asina e interes di e invershonianan ta protehá.

Waw! Ta parse hopi, no? Pero tur esaki ta pa sòru ku e bolsa ta ofresé un ambiente sigur pa hasi negoshi.

Awor, si bo kumpra akshonnan riba DCSX i bo ke sa kon nan ta progresando, e bolsa di balor tin riba su wèpsait e preisnan aktualisá di tur akshon ku ta registrá. E wèpsait ta monitor e preisnan koriente, pa asina bo por sa inmediatamente i fásilmente si e preis di bo akshon a subi òf baha. No ese so, pero pasobra e informashon aki ta público i transparente, ta hopi mas fásil pa bende bo akshonnan òf bononan ku ottronan òf pa kumpra for di ottronan. Esei no ta grandioso? Bo no ta mas konfortabel? Mi ta sigur ku bo ta!

Pues, awor ku nos ta apresiá e siguridat ku e DCSX ta ofresé, kon bo por kuminsá hasi negoshi? Nos lo eksplorá tepnan pa prinsipientan den e próksimo publikashon.

Sigui Skina di Invershonista pa tur kos ku bo mester sa tokante Kreashon di Rikesa!

***E editorial aki ta wòrdú presentá na bo pa DCSX ku kolaborashon di Vertex Investments.***

***Outor di skina di invershonista: Stephanie Shaw CFA, MBA.***



*E editorial aki ta wòrdú presentá na bo pa e DCSX ku kolaborashon di Vertex Investments.*

*Outor di e publikashon aki: Stephanie Shaw CFA, MBA*

